



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

11 մարտի 2024 թվական

ք. Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահին փոխարինող Արթուր Պողոսյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ԵԴՆ/0351/01/24 (ՀԿԴ/0201/01/23) քրեական վարույթի ընդդատության հարցը լուծելու համար ՀՀ Վճռաբեկ դատարան դիմելու մասին Երևան քաղաքի առաջին ատյանի ընդհանուր իրավասության քրեական դատարանի՝ 2024 թվականի փետրվարի 27-ի որոշումը,

Պ Ա Ր Զ Ե Ց Ի Ն Բ

Վարույթի դատավարական նախապատմությունը.

1. 2023 թվականի սեպտեմբերի 13-ին Հակակոռուպցիոն դատարանում ստացվել է Տիգրան Ժորայի Գրիգորյանի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին կետով թիվ 5823302 (ՀԿԴ/0201/01/23) քրեական վարույթը:

1.1. Հակակոռուպցիոն դատարանը 2023 թվականի սեպտեմբերի 14-ին որոշում է կայացրել թիվ ՀԿԴ/0201/01/23 քրեական վարույթը ստանձնելու և 2023 թվականի սեպտեմբերի 25-ին նախնական դատալսումներ նշանակելու մասին:

1.2. Հակակոռուպցիոն դատարանը, 2024 թվականի փետրվարի 22-ին՝ նախնական դատալսումների ընթացքում, որոշում է կայացրել թիվ ՀԿԴ/0201/01/23 քրեական վարույթն ըստ ընդդատության Երևան քաղաքի առաջին ատյանի ընդհանուր իրավասության քրեական դատարան ուղարկելու մասին:

2. Երևան քաղաքի առաջին ատյանի ընդհանուր իրավասության քրեական դատարանը 2024 թվականի փետրվարի 27-ին որոշում է կայացրել թիվ ԵԴ1/0351/01/24 (ՀԿԴ/0201/01/23) քրեական վարույթը Վճռաբեկ դատարանի նախագահին ուղարկելու մասին՝ ընդդատության հարցը լուծելու համար:

3. Քրեական վարույթը Վճռաբեկ դատարանում ստացվել է 2024 թվականի մարտի 1-ին:

Ընդդատության վերաբերյալ հարցը լուծելու համար էական նշանակություն ունեցող փաստական հանգամանքները.

4. 2023 թվականի օգոստոսի 29-ի որոշմամբ Տիգրան Ժորայի Գրիգորյանի նկատմամբ 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին կետով հանրային քրեական հետապնդում է հարուցվել հանրորեն վտանգավոր այն արարքի կատարման համար, որ *«նա հանդիսանալով ՀՀ ռեզիդենտ ֆիզիկական անձ, օրինականացրել է 2021 թվականի հուլիս-հոկտեմբեր ամիսների ընթացքում կատարված հափշտակությունների արդյունքում հանցավոր ճանապարհով ստացված առանձնապես խոշոր չափերով գույքը (դրամը) թաքցնելով և խեղաթյուրելով դրա իրական բնույթը, հանցավոր ծագումը, ինչպես նաև ձեռք է բերել, տիրապետել և տնօրինել հանցավոր գործունեության արդյունքում ստացված վերոհիշյալ գույքը (դրամը):*
Այսպես.

2021 թվականի հուլիս-հոկտեմբեր ամիսներին արտասահմանյան տարրեր բանկերի, այդ թվում՝ Արաբական Միացյալ Էմիրություններում գործող՝ «Dubai Islamic Bank», «First Abu Dhabi Bank PJSC», «Citibank N.A», «Abu Dhabi Islamic Bank

PJSC», «Commercial Bank of Dubai LTD» բանկերի, Ավստրալիայի «Latitude» ֆինանսական ծառայություններ փրամադրող ընկերության, «Commonwealth Bank» բանկի, Կարարի «Իսլամական», «Կոմերցիոն» և «Դոհա» բանկերի կողմից թողարկված բանկային քարտերի շահառուներից հատկապես են ընդհանուրը՝ 190.729.061 ՀՀ դրամին համարժեք արտարժույթ, ներառյալ Մոհամմեդ Մահմուդի թիվ 4568350044686744 համարի բանկային քարտից՝ 400.000 ՀՀ դրամին համարժեք դիրհամ, Էյթոնի Ժոզեֆի թիվ 5189107683427756 համարի բանկային քարտից՝ 1.200.000 ՀՀ դրամին համարժեք դիրհամ, Մասրուր Սադիի թիվ 5242570015262016 համարի բանկային քարտից՝ 950.000 ՀՀ դրամին համարժեք դիրհամ, Ջահֆեր Սադիքի թիվ 4333678207934244 համարի բանկային քարտից՝ 500.000 ՀՀ դրամին համարժեք դիրհամ, Աբդուլլա Ասակարանի թիվ 4568352469010491 համարի բանկային քարտից՝ 500.000 ՀՀ դրամին համարժեք դիրհամ, Սաուա Աբդուլուսհման Աբդուլուսհմի թիվ 4568356367144898 համարի բանկային քարտից՝ 1.000.000 ՀՀ դրամին համարժեք դիրհամ, Այուբ Լաենա Կիլլաթուի թիվ 4546541717480392 համարի բանկային քարտից՝ 500.000 ՀՀ դրամին համարժեք դիրհամ, Մոհամմեդ Ադնանի թիվ 5460682000357084 համարի բանկային քարտից՝ 1.000.000 ՀՀ դրամին համարժեք դիրհամ, Աբդուլ Մանսֆ Ե Վալիյակաթի թիվ 4546541519390732 համարի բանկային քարտից՝ 500.000 ՀՀ դրամին համարժեք դիրհամ, Ռեյելն Ուոթերսի թիվ 512576**1034 բանկային քարտից՝ 400.000 ՀՀ դրամին համարժեք արտարժույթ, Բերրին Բայդարի թիվ 521729**3058 բանկային քարտից՝ 200.000 ՀՀ դրամին համարժեք արտարժույթ, Տամեր Ահմեդ Մահմուդի թիվ 414393**8945 բանկային քարտից՝ 350.000 ՀՀ դրամին համարժեք ոհայ, Ժոզեֆ Ռեամաշի թիվ 455000**6427 բանկային քարտից՝ 500.000 ՀՀ դրամին համարժեք ոհայ, Յոնաս Բերու Գաշուի թիվ 434204**0025 բանկային քարտից՝ 350.000 ՀՀ դրամին համարժեք ոհայ, Մոհամմեդ Ջամետր Կիզակի Թոդուբայիլի թիվ 476852**7908 բանկային քարտից 350.000 ՀՀ դրամին համարժեք ոհայ, Շահ Ալամ Խանի թիվ 52672**4967 բանկային քարտից՝ 350.000 ՀՀ դրամին համարժեք ոհայ:

Հանցավոր ճանապարհով՝ հատկապես ստացված ընդհանուրը՝ 190.729.061 ՀՀ դրամի հանցավոր ծագումը թաքցնելու և խեղաթյուրելու

նպատակով, այն 306 միջազգային գործարքներով՝ փոխանցումներով, 2021 թվականի հուլիս-հոկտեմբեր ամիսների ընթացքում, «Արարատբանկ» ԲԲ ընկերության կողմից սպասարկվող <https://www.e-payments.am> համակարգով, Տիգրան Գրիգորյանի գիրքային և համաձայնությամբ ուղղվել է ի օգուր Տիգրան Ժորայի Գրիգորյանի, Վաչագան Աշոտի Գրիգորյանի, Հայկ Մխիթարի Հովագիմյանի, Վալերիկ Վանիկի Հարությունյանի, Բորիս Լյուդվիգի Ասատրյանի, Ռաֆայել Սամվելի Ավերիսյանի, Գառնիկ Վարդանի Վարդանյանի, Դավիթ Իվանի Անդրեասյանի անհատ ձեռնարկատերերի և «ՊԻԶԱԺ» ՍՊ ընկերության՝ ՀՀ պետական վճարումների էլեկտրոնային համակարգի հարկերի միասնական թիվ 900008000490 հաշվին:

Հափշտակված վերոհիշյալ գումարից առանձնապես խոշոր չափերով, ընդհանուր՝ 59.259.823 ՀՀ դրամը (ընդհանուր՝ 91 գործարքներով) «Արարատբանկ» ԲԲ ընկերության կողմից վերադարձվել է արտասահմանյան բանկերի քարտայաններին, որպես միջազգային հետգանձում (7 գործարք) և հետվերադարձ (84 գործարք)՝ արտասահմանյան բանկերի քարտայանների բողոքների և որպես կասկածելի գործարքներ համարվելու պատճառով, իսկ մնացած, ընդհանուր՝ 131.469.238 ՀՀ դրամը «Արարատբանկ» ԲԲ ընկերության կողմից սպասարկվող՝ ՀՀ պետական վճարումների էլեկտրոնային՝ <https://www.e-payments.am> համակարգով փոխանցվել է փոխանցվել է փոխյալ վճարային համակարգում գործող հարկերի միասնական թիվ 900008000490 հաշվին ի օգուր անհատ ձեռնարկատեր Տիգրան Գրիգորյանի (ՀՎՀՀ 86093096) և նրա հետ փոխկապակցված անհատ ձեռնարկատերեր Վաչագան Գրիգորյանի (ՀՎՀՀ 26580475), Դավիթ Անդրեասյանի (ՀՎՀՀ 67044702), Բորիս Ասատրյանի (ՀՎՀՀ 40050449), Ռաֆայել Ավերիսյանի (ՀՎՀՀ՝ 85179214), Գառնիկ Վարդանյանի (ՀՎՀՀ՝ 20164022) և «ՊԻԶԱԺ» ՍՊ ընկերության (ՀՎՀՀ 01263709)՝ իբրև վերջիններիս հարկային պարտավորությունների մարմանն ուղղված գումար այն դեպքում, երբ նշված կազմակերպությունների մեծ մասը հարկային պարտավորություններ չեն ունեցել, իսկ մնացածը՝ ունեցել են չնչին չափի հարկային պարտավորություններ: Տիգրան Գրիգորյանը փաստացի տիրապետելով Վաչագան Աշոտի Գրիգորյանի, Հայկ Մխիթարի Հովագիմյանի, Վալերիկ Վանիկի Հարությունյանի, Բորիս

Լյուդվիգի Ասատրյանի, Ռաֆայել Սամվելի Ավետիսյանի, Գառնիկ Վարդանի Վարդանյանի և Դավիթ Իվանի Անդրեասյանի կողմից 2021 թվականի ընթացքում որպես անհար ձեռնարկարկերի դրամական շրջանառություն իրականացնելու վերաբերյալ անհրաժեշտ փաստաթղթերին և տեղեկատվությանը, (ինչպես նաև փաստացի իրեն է պատկանել «ՊԻՋԱԺ» ՍՊ ընկերությունը) արտասահմանյան բանկերի քարտապանների բանկային քարտերից հափշտակված գումարների իրական բնույթը, հանցավոր ծագումը թաքցնելու և խեղաթյուրելու նպատակով, 2021 թվականի հուլիսի 10-ից հոկտեմբերի 29-ն ընկած ժամանակահատվածում, «ՊԻՋԱԺ» ՍՊ ընկերության, անհար ձեռնարկարկերը Տիգրան Գրիգորյանի, Վաչագան Գրիգորյանի, Դավիթ Անդրեասյանի, Ռաֆայել Ավետիսյանի ու Գառնիկ Վարդանյանի անունից ՀՀ պետական եկամուտների կոմիտե ներկայացված՝ հարկային պարտավորությունների գերավճար գումարները հետ սրանալու էլեկտրոնային դիմումներով, Տիգրան Գրիգորյանը փաստացի հետ է սրացել, այսինքն՝ ձեռք է բերել, տիրապետել և տնօրինել հանցավոր ծագում ունեցող վերոհիշյալ գումարից առանձնապես խոշոր չափերով 115.651.800 ՀՀ դրամը, այդ կերպ՝ դրանց հաղորդել է օրինական տեսք: (...)»¹:

5. Հակակոռուպցիոն դատարանը 2024 թվականի փետրվարի 22-ի որոշմամբ արձանագրել է հետևյալը. «(...) «2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած «ՀՀ քրեական օրենսգրքում լրացումներ և փոփոխություններ կատարելու մասին» ՀՕ-31-Ն ՀՀ օրենքի համաձայն՝

«(...) Հոդված 7. Օրենսգրքի հավելված N 1-ում՝

1) «Հոդված 296. Փողերի լվացումը» բառերը փոխարինել «Հոդված 296. 3-րդ մաս, 2-րդ կեր. Փողերի լվացումը՝ իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով» բառերով. (...)»:

Վերոգրյալ իրավական նորմերի համակարգային վերլուծության արդյունքում, հաշվի առնելով նաև այն հանգամանքը, որ Տիգրան Գրիգորյանին ներկայացված մեղադրանքի համաձայն՝ վերջինիս կողմից ենթադրյալ փողերի լվացումը չի կատարվել իշխանական կամ ծառայողական լիազորությունները կամ դրանցով

¹ Տե՛ս քրեական վարույթ, հատոր 9, թերթեր 262-266:

պայմանավորված ազդեցությունն օգտագործելով, Գալարանը գրնում է, որ թիվ ՀԿԳ/0201/01/23 քրեական վարույթն այլևս ընդդարյա չէ ՀՀ հակակոռուպցիոն դալարանին, այլ ընդդարյա է Երևան քաղաքի առաջին արյանի ընդհանուր իրավասության քրեական դալարանին, որի դալարական տարածքում կալարվել է ենթադրյալ հանցանքը, ուարի անհրաժեշտ է թիվ ՀԿԳ/0201/01/23 քրեական վարույթը փոխանցել ըստ ընդդարույթյան»²:

6. Երևան քաղաքի առաջին ատյանի ընդհանուր իրավասության քրեական դատարանը 2024 թվականի փետրվարի 26-ի որոշմամբ արձանագրել է հետևյալը. «(...) [Դ]ալարանը գրնում է, որ գործի քննության ընթացքում քրեական օրենսգրքի համապարասիան հավելվածում փոփոխությունների դեպքում վարույթները չպերք է փոխանցեն ըստ ընդդարույթյան, քանի որ դրանք դալարանի կողմից սրանալու պահին եղել են ճիշտ ընտրված ընդդարույթյամբ և կանխավարկածը պերք է լինի գործի քննության շարունակությունը տվյալ դալարանում, այլ ոչ թե այն ըստ ընդդարույթյան փոխանցելը:

Դալարանի այս դալարողությունը, ի թիվս այլոց, պայմանավորված է հետևյալ հիմնավորումներով.

ա. Ընդդարույթյան կանոնները պերք է գերծ պահեն անձին դալարական շրջապարույրից՝ նպաստելով գործի քննության ողջամիտ ժամկետների պահպանմանը և արդյունավեր արդարադարույթյան իրականացմանը:

բ. Գործի ընդդարույթյունը որոշելը, որպես դալարավարական գործողություն, որոշվում է այդ գործը սրանալու պահին գործող օրենսգրքի նորմերին համապարասիան և դալարավարական նորմի հերադարձության կանոն այդ մասով նախարեաված չէ:

գ. Քրեական օրենսգրքի հավելվածի փոփոխությունը համարվում է քրեական օրենքի վրփոխություն, որի վրա լիարժեքորեն տարածվում են քրեական օրենքի հերադարձության կանոնները սահմանող նորմի կարգավորումները: Այս դեպքում հարկ է արձանագրել, որ կոռուպցիոն հանցագործությունները սահմանող հավելվածի փոփոխությունը ոչ՝ մեղմացնող, ոչ՝ իստացնող օրենք է, հերևարար դրա կիրառությունը հերադարձ կերպով անթույլարելի է, եթե չկա

² Տե՛ս քրեական վարույթ, հատոր 10, թերթեր 59-63:

համապատասխան անցումային դրույթ ընդունված օրենքում: Այլ կերպ՝ քրեական օրենքի փոփոխությունը, որով չի բարելավվում անձի վիճակը, տարածվում է այն ուժի մեջ մտնելուց հետո ծագած իրավահարաբերությունների վրա:

դ. ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած ՀՕ-31-Ն ՀՀ օրենքը չի նախատեսում անցումային դրույթ, ըստ որի՝ դատարանների վարույթում գտնվող նախկին կոռուպցիոն բնույթի հանցագործությունների վերաբերյալ վարույթները պետք է վախանցվեն ըստ ընդդատության: Դատարանն ընդգծում է, որ ի տարբերություն օրենսդրության փոփոխության նախկին դեպքերի, երբ օրենսդիրն անցումային դրույթի ուժով կարգավորել էր գործերի վախանցումը ՀՀ հսկակոռուպցիոն դատարան, այս դեպքում նման նորմ չի նախատեսել, ինչը հիմք է տալիս գալ հիմնավոր այն եզրահանգման, որ օրենսդրի կամքը եղել է հիշյալ քրեական վարույթների քննությունը գործը սրացած դատարանում մնալը: Հսկանակ դեպքում հնարավոր է սրեղծվի մի իրավիճակ, երբ տարբեր ժամանակներում իրականացված օրենսդրական փոփոխությունների արդյունքում քրեական գործը կհայտնվի անվերջ «շրջապտույտի» մեջ: Օրինակ՝ դատարանում ավարտական փուլում (դատական վիճաբանություններ կամ եզրափակիչ ելույթներ) գտնվող քրեական գործը զուր օրենսդրական փոփոխություններից ելնելով առարկայական ընդդատությամբ ուղարկվի այլ դատարան, իսկ որոշ ժամանակ անց՝ նույն հիմնավորումներով վերադարձվի այն ուղարկած դատարան:

Հիմք ընդունելով վերը նշվածը՝ դատարանը վերահաստատում է իր մտրեցումը, որ առարկայական ընդդատության ենթակա գործերի փոփոխության դեպքում գործում է ճիշտ ընդդատությամբ գործը սրացած դատարանի կողմից գործի քննությունը շարունակելու կանխավարկածը, եթե այլ բան նախատեսված չէ համապատասխան ընդունված նոր օրենքով: Նման մտրեցումը միտված է սպահովելու ընդդատության որոշման կանոնի կայունության հարկանիշը, ինչը պետք է բացառի քրեական գործերի ձևական հիմքերով «միգրացիան» դատարանների միջև:

Ելնելով վերոգրյալից՝ դատարանը եզրահանգում է, որ ՀՀ հակակոռուպցիոն դատարանը սույն գործը ճիշտ ընդդատությանը սրանալով նախնական դատական նիստեր անցկացնելով և ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած ՀՕ-31-Ն ՀՀ օրենքի փոփոխության հիման վրա քրեական վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելով՝ ընդդատության որոշման կանոնի կապակցությամբ դրսևորել է ձևական մոտեցում և առանց նյութական ու դատավարական բավարար հիմքերի փոխանցել է գործն ըստ ընդդատության: Դատարանն անդրադառնալով այն հավանական փաստարկին, ըստ որի քրեական դատավարության օրենսգիրքը թույլատրում է քրեական գործն ընդդատությամբ ուղարկել ցանկացած փուլում, արձանագրում է, որ այդ կարգավորումը վերաբերում է միայն գործի քննության ընթացքում ի հայտ եկած նոր փաստերին, այլ ոչ թե օրենքի փոփոխությանը: (...)»³:

Սույն որոշման հիմնավորումները և եզրահանգումը.

7. Սույն վարույթով բարձրացված իրավական հարցը հետևյալն է. հիմնավոր է արդյոք Երևան քաղաքի առաջին ատյանի ընդհանուր իրավասության քրեական դատարանի հետևությունն այն մասին, որ թիվ ԵԴ1/0351/01/24 (ՀԿԴ/0201/01/23) քրեական վարույթը ենթակա չէր փոխանցման առաջին ատյանի ընդհանուր իրավասության դատարան:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրտեղծված անկախ ու անաչառ դատարանի

³ Տե՛ս քրեական վարույթ, հատոր 10, թերթեր 74-85:

կողմից ողջամիտ ժամկետում արդարացի և հրապարակային դատաքննության իրավունք»:

9.1. Մարդու իրավունքների եվրոպական դատարանը, «*օրենքի հիման վրա սրտեղծված դատարան*» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիան ազգային օրենսդրությունը մեկնաբանելու որոշակի ազատությամբ»⁴:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ. «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չստիպանցված ձևականացումից, որն իր ազդեցությունը կունենա դատավարության արդարացիության վրա»⁵:

10. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ. «(...) *Գործերի պարշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրտեղծված դատարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)*

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փյալ կոնկրետ քրեական գործը քննող դատարանը և դատավորը նախատրամադրվածություն չունեն, և փյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

*Այսպիսով, քրեական գործերի ընդդատության որոշման հարակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)*⁶:

11. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառաբանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

12. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ *«Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարանների*

⁶ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

(այսուհետք՝ առաջին արյանի ընդհանուր իրավասության դարարան) ընդդարյա են առաջին արյանի կարգով իրականացվող բոլոր վարույթները, ինչպես նաև դարական երաշխիքների բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախարեսված կոռուպցիոն հանցանքների վերաբերյալ, այդ թվում՝ դարական երաշխիքների վարույթների, որոնք ընդդարյա են հակակոռուպցիոն դարարանին»:

ՀՀ քրեական դատավարության օրենսգրքի 263-րդ հոդվածի համաձայն՝ «1. Նախնական դարալսումների ընթացքում պարզելով, որ տվյալ վարույթն ընդդարյա չէ իրեն, դարարանն այն որոշմամբ անհապաղ փոխանցում է ըար ընդդարության:

(...)

5. Վարույթն ըար ընդդարության սրացած հակակոռուպցիոն կամ առաջին արյանի ընդհանուր իրավասության դարարանը մինչև նախնական դարալսումներ նշանակելը ետորյա ժամկետում որոշում է կայացնում վարույթը Վճարեկ դարարան ուղարկելու մասին, եթե համաձայն չէ դրա առարկայական ընդդարությանը:

(...)

8. Սույն հոդվածի 5-րդ մասով նախարեսված դեպքում Վճարեկ դարարանի նախագահը, Վճարեկ դարարանի քրեական և հակակոռուպցիոն պալարների նախագահները վարույթը Վճարեկ դարարանում սրանալու պահից տանտորյա ժամկետում վերջնականապես լուծում են վարույթի առարկայական ընդդարության հարցը՝ ընդհանուր թվի ձայների մեծամասնությամբ ընդունված որոշմամբ: Քվեարկելիս ձեռնպահ մաս չի թույլարրվում:

9. Սույն հոդվածով սահմանված կարգով որոշված դարարանը համարվում է իրավասու դարարան»:

12.1. Հայաստանի Հանրապետության քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած ՀՕ-31-Ն օրենքի 7-րդ հոդվածի համաձայն՝ «Օրենսգրքի հավելված N 1-ում՝

1) «Հողված 296. Փողերի լվացումը» բառերը փոխարինել «Հողված 296. 3-րդ մաս, 2-րդ կեր. Փողերի լվացումը՝ իշխանական կամ ծառայողական լիազորությունները կամ դրանցով պայմանավորված ազդեցությունն օգրագործելով» բառերով:

«Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերի համաձայն՝ «23. (...) Հայաստանի Հանրապետության առաջին արյանի ընդհանուր իրավասության դատարաններին ենթակա (...) կոռուպցիոն հանցագործությունների վերաբերյալ գործերը վերաքաշվում են հակակոռուպցիոն դատարանի համապարասիան մասնագիտացում ունեցող դատավորների միջև, բացառությամբ սույն հոդվածի 24-րդ մասով սահմանված դեպքի:

24. Հայաստանի Հանրապետության առաջին արյանի ընդհանուր իրավասության դատարանների վարույթում գրնվող՝ սույն մասով նախատեսված գործերը ենթակա չեն վերաքաշիման հակակոռուպցիոն դատարանին, եթե տվյալ գործով անցում է կատարվել դատաքնության փուլ»:

«Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասի համաձայն՝ «Սույն օրենքն ուժի մեջ մտնելուց հետո Հայաստանի Հանրապետության առաջին արյանի ընդհանուր իրավասության դատարանների վարույթում գրնվող կոռուպցիոն հանցագործությունների վերաբերյալ գործերը վերաքաշվում են հակակոռուպցիոն դատարանի դատավորների միջև, եթե տվյալ գործերով անցում չի կատարվել դատաքնության փուլ»:

12.2. «Նորմատիվ իրավական ակտերի մասին» ՀՀ օրենքի 39-րդ հոդվածի համաձայն՝ «1. Եթե օրենսդրության մեջ բացակայում է կոնկրետ հասարակական հարաբերությունը կարգավորող իրավական նորմը, սակայն օրենսդրությամբ սահմանված է համանման հարաբերությունները կարգավորող այլ իրավական նորմ, ապա այդպիսի հարաբերությունների նկատմամբ (եթե դա չի հակասում

դրանց էությունը) կիրառվում են համանման հարաբերություններ կարգավորող իրավական նորմերը (օրենքի անալոգիա):(...):

3. Օրենքի կամ իրավունքի անալոգիա չի կարող կիրառվել, եթե դրանով սահմանափակվում են անձանց իրավունքները, ազատությունները, կամ նրանց համար նախատեսվում է նոր պարտականություն կամ պարասահմանափակություն, կամ խարացվում են նրանց նկատմամբ կիրառվող պարասահմանափակության, հարկադրանքի միջոցները կամ դրանց կիրառման կարգը, հարկերի, տուրքերի և այլ պարտադիր վճարների վճարման կարգը, անձանց գործունեության նկատմամբ հսկողություն ու վերահսկողություն իրականացնելու պայմանները և կարգը:

4. Օրենքի անալոգիան և իրավունքի անալոգիան կարող են կիրառվել միայն, եթե փոխառված օրենքով չի արգելվում անալոգիայի կիրառումը»:

13. Նշված նորմերի համակարգային վերլուծությունից հետևում է, որ «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված ՀՕ-31-Ն ՀՀ օրենքով կատարված փոփոխությունների արդյունքում 2021 թվականի մայիսի 5-ին ընդունված ՀՀ քրեական օրենսգրքի ՀՀ քրեական օրենսգրքի 296-րդ հոդվածի 3-րդ մասի 3-րդ կետն (համապատասխանում է 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին կետին) այլևս չի հանդիսանում կոռուպցիոն բնույթի հանցանք և ընդգրկված չէ ՀՀ քրեական օրենսգրքի հավելված N 1-ում, հետևաբար դրանց վերաբերյալ վարույթներն ընդդատյա են առաջին ատյանի ընդհանուր իրավասության դատարանին: Սակայն, կատարված փոփոխությամբ որևէ կարգավորում չի սահմանվել առ այն, թե արդյո՞ք այդ փոփոխությունը պետք է տարածվի Հակակոռուպցիոն դատարանում դատաքննության փուլում գտնվող նմանատիպ վարույթների վրա՝ այլ կերպ արդյո՞ք այդ վարույթները ենթակա են վերաբաշխման, թե ոչ:

Այդուհանդերձ, դեռևս 2021 թվականի ապրիլի 14-ին ընդունված «Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերով, ինչպես նաև «Հայաստանի Հանրապետության քրեական դատավարության օրենսգրքում

փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասով սահմանվել է, որ ՀՀ առաջին ատյանի ընդհանուր իրավասության դատարանների վարույթում գտնվող կոռուպցիոն հանցագործությունների վերաբերյալ այն գործերը, որոնցով **անցում չի կատարվել դատաքնության փուլ, ենթակա են վերաքաշման հակակոռուպցիոն դատարանին:** Այսինքն, «Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքով լուծում է տրվել համանման իրավահարաբերությանը, ըստ որի՝ դատաքնության փուլ անցում կատարված չլինելու դեպքում առաջին ատյանի ընդհանուր իրավասության դատարանի վարույթում գտնվող վարույթի փոխանցումը Հակակոռուպցիոն դատարան իրավաչափ է:

13.1. Հաշվի առնելով, որ ինչպես «Հայաստանի Հանրապետության դատական օրենսգիրք» սահմանադրական օրենքը, այնպես էլ ՀՀ քրեական դատավարության օրենսգիրքը չեն արգելում անալոգիայի կիրառումը, ինչպես նաև այն, որ տվյալ պարագայում անալոգիայի կիրառումն անձանց իրավունքները, ազատությունները չի սահմանափակում կամ նրանց համար նոր պարտականություն կամ պատասխանատվություն չի նախատեսում՝ գտնում ենք, որ Հակակոռուպցիոն դատարանների վարույթում գտնվող՝ «ՀՀ քրեական օրենսգրքում փոփոխություններ և լրացումներ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի հիման վրա առաջին ատյանի ընդհանուր իրավասության դատարաններին ընդդատյա վարույթների վերաքաշման հարցը պետք է լուծվի ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն օրենքի 19-րդ հոդվածի 23-րդ և 24-րդ մասերին և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքի 7-րդ հոդվածի 2-րդ մասին համահունչ: Այլ կերպ՝ այն վարույթները, որոնցով Հակակոռուպցիոն դատարանն անցում չի կատարել

հիմնական դատալսումների փուլ, ենթակա են վերաբաշխման առաջին ատյանի ընդհանուր իրավասության դատարանին:

14. Սույն վարույթի նյութերի ուսումնասիրությունից երևում է, որ՝

- Հակակոռուպցիոն դատարանը որոշում է կայացրել վարույթն ըստ ընդդատության Երևան քաղաքի առաջին ատյանի ընդհանուր իրավասության քրեական դատարան փոխանցելու մասին՝ փաստելով, որ Տ.Գրիգորյանին վերագրվող ենթադրյալ հանցանքը՝ փողերի լվացումը, չի կատարվել իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով⁷:

- Երևան քաղաքի առաջին ատյանի ընդհանուր իրավասության քրեական դատարանն արձանագրել է, որ Հակակոռուպցիոն դատարանը, սույն գործը ճիշտ ընդդատությամբ ստանալով, նախնական դատական նիստեր անցկացնելով և ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ի ՀՕ-31-Ն ՀՀ օրենքի փոփոխության հիման վրա քրեական վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելով, ընդդատության որոշման կանոնի կապակցությամբ դրսևորել է ձևական մոտեցում և առանց նյութական ու դատավարական բավարար հիմքերի վարույթը փոխանցել է ըստ ընդդատության⁸:

15. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքով նախատեսված իրավակարգավորումների լույսի ներքո թիվ ԵԴ1/0351/01/24 (ՀԿԴ/0201/01/23) քրեական վարույթը ենթակա էր վերաբաշխման առաջին ատյանի ընդհանուր իրավասության դատարանին, քանի

⁷ Տե՛ս սույն որոշման 5-րդ կետը:

⁸ Տե՛ս սույն որոշման 6-րդ կետը:

որ սույն վարույթով Հակակոռուպցիոն դատարանն անցում չի կատարել հիմնական դատալսումների փուլ:

16. Վերոշարադրյալը հիմք է տալիս փաստելու, որ Երևան քաղաքի առաջին ատյանի ընդհանուր իրավասության քրեական դատարանի հետևությունն այն մասին, որ թիվ ԵԴ1/0351/01/24 (ՀԿԴ/0201/01/23) քրեական վարույթը ենթակա չէր փոխանցման առաջին ատյանի ընդհանուր իրավասության դատարան, հիմնավոր չէ:

17. Վերոգրյալի հիման վրա գտնում ենք, որ թիվ ԵԴ1/0351/01/24 (ՀԿԴ/0201/01/23) քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

Ո Ր Ո Շ Ե Ց Ի Ն Ք

Տիգրան Ժորայի Գրիգորյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 190-րդ հոդվածի 3-րդ մասի 1-ին կետով թիվ ԵԴ1/0351/01/24 (ՀԿԴ/0201/01/23) քրեական վարույթն ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

**ՀՀ ՎՃՌԱԲԵԿ ԴԱՏԱՐԱՆԻ
ՆԱԽԱԳԱՀ ԼԻԼԻԹ
ԹԱԴԵՎՈՍՅԱՆ**

**ՀՀ ՎՃՌԱԲԵԿ
ԴԱՏԱՐԱՆԻ ԲՐԵԱԿԱՆ
ՊԱԼԱՏԻ ՆԱԽԱԳԱՀԻՆ
ՓՈԽԱՐԻՆՈՂ ԱՐԹՈՒՐ
ՊՈՂՈՍՅԱՆ**

**ՀՀ ՎՃՌԱԲԵԿ
ԴԱՏԱՐԱՆԻ
ՀԱԿԱԿՈՌՈՒՊՑԻՈՆ
ՊԱԼԱՏԻ ՆԱԽԱԳԱՀ
ԱՐԹՈՒՐ ԴԱՎԹՅԱՆ**